



Klub poslanika Naša stranka - Nezavisni blok

Broj:

Sarajevo, 5.7.2021. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

n/r gđa. Borjana Krišto, predsjedavajuća

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 06-07-2021

Organizaciona jedinica	Klasifikaciona oznaka	Redni broj	Broj priloga
01-50-1	1365/21		

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik Bosne i Hercegovine" 79/14, 81/15, 97/15, 78/19 i 26/20) upućujemo sljedeću:

POSLANIČKU INICIJATIVU

kojom se nalaže Vijeću ministara Bosne i Hercegovine da u roku od 30 dana sastavi i Predstavničkom domu Parlamentarne skupštine Bosne i Hercegovine dostavi kompletan izvještaj o učešću Bosne i Hercegovine na Svjetskoj izložbi EXPO 2020 koja će sadržavati utvrđivanje odgovornosti i dalje aktivnosti po ovom pitanju te prijedlog za sanaciju štete nastale dosadašnjim tokom događaja vezano za učešće na izložbi (nepoduzimanje bilo kakvih aktivnosti na pripremi, narušavanje ugleda Bosne i Hercegovine te moguće plaćanje kazne).

OBRAZLOŽENJE

Iako je početak Svjetske izložbe EXPO 2020 u Dubaiju planiran za manje od tri mjeseca, Bosna i Hercegovina još uvijek nije poduzela nikakve korake na pripremi svog paviljona. Više puta su upućena direktna upozorenja da ovakvo postupanje može dovesti do narušavanja odnosa između Ujedinjenih Arapskih Emirata i Bosne i Hercegovine, narušavanja ugleda naše države u svijetu kao i zahtjeva za nadoknadu troškova organizatora od najmanje 1,5 miliona američkih dolara. Ipak, uprkos usmenim i pismenim upozorenjima, Vijeće ministara Bosne i Hercegovine još uvijek nije poduzelo nikakve aktivnosti na imenovanju zvaničnog komesara ili komesarke niti je usvojilo troškovnik. Također, i pored dostavljenog odgovora broj 01,05-50-1-1612-5/21 Vijeća ministara od 21.6.2021. godine na usmeno poslaničko pitanje koje je poslanica Mirjana Marinković-Lepić postavila na 20. sjednici Predstavničkog doma PSBiH, ostaje nejasno da li je Ministarstvo finansija i trezora Bosne i Hercegovine bilo upoznato sa troškovima učešća na Svjetskoj izložbi EXPO 2020 prije sklapanja ugovora obzirom da ni jedan od dva dosad predložena troškovnika nije dobio podršku ovog ministarstva.

S poštovanjem,

Predrag Kojović

Mirjana Marinković-Lepić

Aida Baručija

Damir Arnaut

Poslanici u Predstavničkom domu
Parlamentarne skupštine Bosne i Hercegovine